

Geographicè descripta, Tibi gratias im-
mortales actura, se coram te sistat, nullus
nisi injustus denegabit. Ego quidem ad id
ei suadendum, præter communia Ecclesiæ
Galliæque impertita beneficia, eo potissi-
mum ductus sum, quod à me descripta sit,
Tibique pro singulari erga me benevolen-
tia, acceptoque nuper, supra meritum di-
cam beneficio, & me ipsum & omnes in-
genii mei conatus debeam. Nec certe pa-
rum me movit, quod Magnatibus tabulas
Regionum, quas armis protexerint, vel
alio beneficio devinxerint, quasi ex debi-
to dicare videam Geographos. Id enim cum
ita sit, cui potius quam tibi hasce totius
Ecclesiæ Geographicas descriptiones di-
care possum, cujus Tu Princeps Cardi-
nalis, & quam non minus potenti quam
prudenti zelo pietatis tuæ, adeò foelicibus
amplisque officiis cumulasti, ut à tempo-
ribus Administrationis tuæ, novo & su-
perioribus sæculis ignoto splendore, apud
nos omnium oculis illucescat. Illas tu be-
nigno vultu suscipe, Cardinalis Eminen-
tissime, & in eis quasi erectum à me glo-
riæ monumentum, Tuæ summæ pietati,
Tuæ supra captum humanum prudentiæ,
* * Tuæ